

建寧縣志卷之五

知縣潞水韓琮纂

津梁

先王之制雨畢而除道水涸而成梁故夏令九月十月趨事赴功動衆以義役不妨時蓋志夫利民也建寧地多谿壑霑潦驟漲非架木橫波甃石砥流欲濟者難免病涉碩自宋迄今濰川飛虹散布代有成績可攷而熒惑爲災陽侯肆虐修舉廢墜殊煩籌度則司土之勸相里人之勸勤其勞與義均不可沒茲取要津所利賴者攷其年月方隅條

建寧縣志

卷之五

津梁

分於左志津梁

城東朝天門外跨何潭之上曰萬安橋舊名鎮安宋紹定

元年戊子知縣事趙紡夫伐石建造爲址六爲屋百

有四楹橋之東別構濟川閣後圯于水元至正二

十一年辛丑邑人馮真卿重建明洪武三十年丁丑燬

永樂十八年庚子邑人廖彥舉捐貲募建址加高八

尺屋仍舊制而翼以欄楯正統二年丁巳圯彥舉復

募衆修因舊加高五尺改濟川閣爲觀音閣嘉靖

九年庚寅二墩圯彥舉之孫霖捐貲修二十三年甲辰

知縣何孟倫重修陳公陞有記萬歷三十八年庚戌正月

燬天啟四年甲子知縣王都募衆重建崇禎三年庚午

又燬知縣事鄭爾說謂橋燬病在屋遂勿屋而梁

以石改名砥瀾十二年巳卯圮于水十五年壬午知縣

事王先甲復建工未訖而王去任

國朝順治十八年辛丑知縣袁植倡衆建康熙二十二

年癸丑知縣檀光熿命里人陳大儀余運昌王國昇

王國昂艾公榆姜紹宗李祥集吳國瑞等募衆重

建架屋列廛而收稅焉雍正十三年乙卯燬知縣戴

夢奎倡建復屋如舊繼以知縣楊昌言朱岳楷共

歷五載而工訖乾隆六年辛酉燬知縣劉毓珍倡議

建寧縣志 卷之五 津梁 二

伐石捲甕甕分爲五命僧文彥靜濤募衆捐建址

立而劉陞九年甲子知縣王文昭經營將就至十五

年庚午王調任知縣程運青落成焉橋甚平廣而旁

翼以石欄中建一亭祀元武亭門榜以萬安橋額

橋之首尾列屋一間各豎坊表西又別構龍王廟

與觀音閣對峙壯麗堅好允爲濰城襟帶

在水東者曰東波橋宋咸熙中建歲久而圯明永樂

十三年乙未邑人廖彥舉建以石成化十五年巳亥邑

人余禧温重建嘉靖九年庚寅禧温男余九建亭其

上前志失載今依府志補入

又在館前洲上者曰鄭公橋宋開禧間知縣事鄭繼道建後圯里人置舟以濟名曰東溪渡又名鄭公渡明隆慶六年壬申邑人李宴造浮橋東岸建江月亭歲捐粟以贍橋夫

國朝康熙十年辛亥大水橋及亭俱沒十一年壬子邑人

廖玉藻謝良弼捐貲募建浮橋及亭知縣周燥顏

其亭曰宛在自是旋造旋圯今仍為渡

其在將屯保者曰胡公橋俗名蜈蚣橋明永樂元年辛巳王

簿譚克敏以木為之後圯天順三年己卯邑人廖永

興建尋圯弘治十八年乙丑知縣李雍重建後圯

建寧縣志

卷之五

津梁

三

國朝康熙 年 邑人王嘉銓鼎建

一曰石椒坑橋明洪武十三年庚申邑人馮文甫伐石

建弘治十七年甲子邑人宋鑑建屋于其上前志失載今從

府志補入

其在黃舟保者曰張公橋以宋司理張公敦義建故

名後廢里人余禧溫置舟以渡是曰三澗渡更施

田七畝五分及十字街店屋一間收稅銀二兩五

錢歲贍夫船之費 嘉靖二十四年乙巳知縣何孟

倫改建浮橋後廢旋復為渡

國朝康熙十五年丙辰里人金元明謝啟祥復建置田

租數十石以脩修船之費其田土墩俱載橋畔廟
 內石碑溪畔有屋以庇守者其址為學右吳三儒
 子孫所施出者後橋渡費用不足康熙三十二年
 癸酉余禧溫子孫庠生敏恭字五一獨力輸銀建造
 浮橋渡船水漲用渡水落用橋管理四十年至雍
 正九年貢生春光捐租二十八石倡始余族踴躍
 樂輸遍積共置田租一百三十四石四斗又銀租
 歲交制錢三千六百九十文為後來修造用費以
 垂永久茲附田墩租數于后

一東楚岩下隘桐嶺及石坪共毛租十石五斗
 一卜肖柄坵毛租十石七斗五升

建寧縣志 卷之五 津梁 四

一旱坑大墩毛租十石一斗五升	一卜肖大小蛇籠毛租十五石七斗五升	一岩丁黃泥埤毛租一石五斗	一李樹坵毛租二石	一交澁六十墩毛租九石	一交澁學背毛租九石	一梘下跌爐坵毛租二石	一黃家窠大竹園毛租十石	一獎坊涼傘坵淨谷四石	一鮎坑比坑窰前及烏坵埤毛租十三石	一鮎坑秧坵淨谷一石	一鮎坑芋窠淨穀三石	一鮎坑坊比坑坵上併員墩坵遠尾屋後毛租七石七斗五升	一鮎坑邊屋廩頭淨穀三石	一鮎坑邊屋廩頭淨穀三石	一武調顏家坑鉄樹等處租七石	一在縣里長坑天真塘租四石	一黃洲保員山前林家坑及俞家埤等處缺租交
---------------	------------------	--------------	----------	------------	-----------	------------	-------------	------------	------------------	-----------	-----------	--------------------------	-------------	-------------	---------------	--------------	---------------------

製錢一千文
 一在城南庄排李家坊魚塘及塋墳成禾田銀租
 交製錢四百文
 一長吉蓮塘及渭村廟前黃泥坵銀租古交製錢
 二千文
 一水東里長坑犬眠地下茶地及禾田銀租交製
 錢二百九十文

其在洛洋保者有五曰三溪橋明永樂五年丁亥主簿

譚克敏建東岍立武安王廟後圯天順五年辛巳主

簿丁暹重建又圯成化二十年甲辰邑人宋鑑建又

圯嘉靖四十五年丙寅知縣皮志文命僧鄧銘重建

邑令皮志文記曰袁庄去郭三十里與三溪橋接
 為詣郡孔道余見其路外浸於水內逼於山行者
 涉水倚山而後過橋則屢作屢壞亘以單木過者
 恐墜余嘆曰此豈惟褻居尊者之車蓋即商販亦

建寧縣志 卷之五 津梁 五

良苦矣捐公則難勸民民未有應者邑民吳惠時
 以役事在官告余曰有僧鄧銘者昔曾賦衣鉢作
 溪峯渠村砥平陳源四橋下墩上屋俱備焉余義
 而命之銘曰難哉水不可過石不可削人力且奈
 何我父母仁明格神銘將仗神力試為之於是菱
 於路傍招傭食之夫居之雨夜不離其處以膏灌
 石中以鉄碎之削其剩補其缺然後土升水降而
 路成焉始于嘉靖四十五年八月訖工於隆慶元
 年八月橋則以巨石為址以亂石為腹築而堅之
 以大木亘其上以小木附其傍蠡而架之期年橋
 亦成余往觀之見其路坦坦焉平也橋巍巍焉安
 也余喜且嘆曰僧稱難信難矣哉余聞浮屠氏以
 苦空為本漠然與世不相信銘口不茹葷身不衣
 完以此自足無絲毫假于世亦可矣今乃能成此
 便民之事以省公帑之費公徭之勞世之強有力
 者僅僅為其家計慳出而倍入剝人而肥已分金
 勺米吝不與人視銘為何如吁彼不為而此為之
 其亦禮失而求之野之謂歟余故書此鐫諸石以
 諷來者云

國朝順治十二年乙未燬邑人熊員男熊耳兄弟鼎建
李嗣元
有記

一曰太平橋里人廖顯慶建以木為之

一曰龍津橋又名龍星明永樂三年癸未知縣趙伯潤建里

人廖顯慶易以石長六丈廣二尺今圯

一曰袁庄橋明知縣趙伯潤建

一曰楓坑橋明永樂五年乙酉主簿譚克敏建天順五

年辛巳主簿丁暹重修

已上五橋知縣何孟倫重加修葺

其在永城保者有四曰水豐橋明永樂二年壬午邑人

建寧縣志

卷之五

津梁

六

陳孟良建

一曰毛坊橋明弘治十年丁巳里人陳伯玉建

一曰橫口橋明弘治十八年乙丑里人廖永康募衆伐

石造

一曰集福橋在鄒坊康熙三十九年庚午邑人王嘉銓建

其在武調保者有二曰安民橋明嘉靖十一年壬辰建

久圯

國朝順治間鄉民謝受祿建又置田二十餘石以脩

修葺後圯雍正十二年甲寅陳嶺張鳳友奉母氏林

捐貲募建伐石捲甕

一曰下陳嶺石橋張龍友全胞弟鳳友鼎建

其在楚上保者有一曰福興橋僧明鑑募衆建

其在楚下保者有八曰愛日橋

一曰花橋舊志缺亦名桂花橋係下坪范姓所造後圯今里人

張尊一伐石建

一曰水尾橋

一曰西湖橋

一曰蓮坊橋在張楊磯在城耆賓余敏興伐木爲之并建

風雨亭

一曰鴨梅橋

建寧縣志

卷之五

津梁

七

一曰社園橋

一曰跳石橋

其在開山保者有三曰桐源橋

國朝康熙三十三年壬戌邑廖徐氏命男家尊孫時焯

捐貲鼎建後圯雍正元年邑人謝元模重建

一曰石塘橋

國朝康熙年間邑人王嘉銓建

一曰馬源橋

右邑東合新舊凡二十九橋

城南迎薰門外曰萬年橋舊名利涉又名利濟俗名浮橋宋紹定二

年已知縣事趙紡夫架木為梁後復為渡明弘治

十三年戊戌知府夏英命縣丞郎珍倡造查原橋簿載當時捐

贊募建併製鉄練繫舟者吳南津

邑教諭蔡春記曰建寧屬邵武郡居八閩上游踞山水最勝離陽江旋繞縣南如環帶然出南門可百步許有津路通汀劍達于福遠隣江右以至東粵冠蓋輿騎之經行士農商旅之輻輳接路旁午誠一邑要津也按舊志有浮橋渡者甚便因名曰利涉不識毀自何代舟航往來兼濟然山澗易盈一遇雨潦則瀾漫迅急舟橫野渡莫克有濟吁嘆之聲兩磯相聞因循百數載未有能復其舊者豈時亦應有待耶邑之父老日擊心惻睥睨久之一日圖于邑丞郎侯珍曰是謀非吾與子所敢專吾聞郡守夏公仁人也自下車凡為子民計事罔不圖成矧橋梁非子民事乎盍往訴焉鄉老即匍匐請于公果俞其議遂決意成之不費于官不撓于衆募民殷實者各輸羨餘計畫經營既有定制乃

建寧縣志

卷之五

津梁

八

鳩工伐石為兩磯磯各植兩柱並舟二十艘于中流長短廣狹如度貫以長杠跨以巨板左右翼以闌檻兩旁又輓鉄為大索聯之而維於兩磯之柱經始于歲已未秋九月輟工于冬臘月橋成往來如履坦途無復曩時濟渡覆轍之虞矣邑丞郎侯趨報于公公甚喜復令歲僉橋夫以司守視公之慮遠矣迄今三年雨水侵凌不能無敝漏者郎侯又請于公公曰是亦不可以無處也遂檄縣以時閱視有敝則闔邑出貲以克修理之費公之慮遠且至矣由是缺者補之敝者葺之昔宜有而未備者今悉增之其利溥矣哉邑士庶交相慶曰斯橋之復成其視乘輿之惠何如也不可以無紀遂以乘筆屬予公名英字育才江右德化縣人登辛丑進士由冬官郎中擢今職云

崇禎五年壬申邑人黃開先募衆置田以贍改易今

名議定三年一修五年一造同里十數人倡衆義

助更番值首以勸其事如是者有年

國朝康熙五十五年丙申邑人鄒啟宣獨力捐造全橋

一間又捐田租十石仍交原橋首管理乾隆元年

丙辰徐光標捐造全橋一間十四年巳寧鳳鳴捐造

全橋一間十八年酉寧際輝室人徐氏命男明章

等捐造全橋一間更加鐵練豎表于岸曰南浦安

瀾其他捐金置田歷歷有人同里寧鳳儀重刻橋

簿詳載可攷茲附田堰于後

一 饒村保陳西坑載租九石二斗

一 潭水橫塘載租一十一石九斗

一 羅坊載租四石

一 富田保播砵嶺載租八石五斗七升此于換與

建寧縣志

卷之五

津梁 九

一 水南羅家嶺店屋一間每年收租銀五錢

一 三層街地坪每年收租銀二錢

一 康熙二年衆又醵金買隆安保十甲李饒年戶

內富田保士名楊家係長坑磔下坑上下及橫

坑門首三處共載租二十六石民糧九畝三分

知縣袁植將此糧照學田例撥寄周坪保八甲

孔廣興戶納糧交官免克星役併豁雜派

一 復捐買西門老虎窠載租八石

一 又捐買黃溪保何家窠寺田十石額收銅錢二千

續捐姓氏

一 山前謝殷尙捐長吉保太坪坊又雲洞庵門首
及富出保大峯州共租三十四桶計糧三畝

一 續捐買將屯寺背鄭宅門首沙手下坵載租七

一 正 饒村保汪家舖官橋載租九石八斗計糧四畝

一 饒村保瀾溪半源載租八石八斗計糧三畝二

一在籍知州徐筠亭捐田二十二石土名大南保羅勝坊木頭上田二坵橋頭田二坵墓腦上田一坵白石嘴田一坵又白石嘴田一坵又墓腦上田一坵又白石嘴田一坵又白石嘴田大小二坵計糧十一畝

正上都上保汝頭何翰臣捐本坊門首墩上田三坵載租一石計糧三分三厘每年除糧收錢二百四十文

一水南林子遠捐田二石坐落將屯保磔上墩頭計糧八分

一饒村保楊門氏男庠生楊大鼎捐田二十四

石大坐落將屯保圳頭水尾墩計糧三畝

一雷砗嶺聶青遠將已田兌換原捐買雷砗嶺聶

宅門首田八石五斗計糧三畝四分此干田永

歸聶青遠管取其兌換田土墩坐落富田保茶

日坊隔邊墩一坵載租二十桶又寺壇嘴田二

坵載租二十五桶及三頃坊下坑載租十桶又

鄒源載租十桶又對面路頭嶺載租二十三桶

共計糧八畝八分

一鄒啟宣捐租十石坐落黃洲保斗埕橫街及隴

建寧縣志

卷之五

津梁

十

坑載糧三畝七分

從南澗而下至儒學前曰通濟橋後改爲渡是曰中

渡明嘉靖四十五年丙寅知縣皮志文重建今廢

在水南曰容駟橋又名小溪橋宋乾道八年建明弘治

十四年辛酉縣丞郎珍伐石爲之十八年乙丑主簿陳

誠架屋其上嘉靖九年庚寅又圮知縣江一桂伐石

重建邑人宋朝瑞復架屋其上

國朝康熙二十一年壬戌里人王嘉銓重建邑人陳金詩澗落春

泉雪乍消新桃臨水拂晴曉迴流似惜飛花片帶得輕紅過小橋

其在長吉保者有七曰澗嶺橋明成化三年丁亥里

人何永通建

一曰吉溪橋明景泰五年甲辰里人連得寅建

一曰洛馬橋

在應家坪下

一曰羊角橋

在羊角源

一曰洛溪橋

在瀾嶺下

一曰長吉橋

一曰楓演橋通汀孔道明成化間知縣謝雍置舟為

渡嘉靖十六年

丁酉

知縣梁隨造浮橋二十三年

甲辰

知縣何孟倫重建隆慶六年

壬申

邑人李宴復建萬

歷間知縣項應瑞重建崇禎三年

庚午

知縣鄭爾說

命邑人李紹修建尋圯復為渡每當山潦衝溢渡

者憂之

建寧縣志

卷之五

津梁

十一

國朝康熙二十年

辛酉

里人連世光一力鼎建復施田

租五十四石二斗店屋二所杉木四嶂以贍夫費

其田載民糧一十七畝五分屯糧銀二錢三分民

糧原出連勝板戶知縣畢友宜另立戶名曰連助

橋免其大當雜派并印簿一本土名條項詳載其

冊五十八年

巳亥

連世光僧續光募眾建造石址知

縣章全人命里人黃世芳等捐貲伐木架屋以覆

章去繼任皇甫文聘趣令竣工行人便之乾隆十

五年

庚午

大水衝去石墩一知縣黎芝命僧文彥募

修十六年

辛未

大水又衝去三石墩二十年

乙亥

知縣

韓琮捐俸倡衆重建

其在饒村保者有三曰饒村橋明弘治十年戊午里人連永太建

國朝順治十三年丙申邑人熊友直修建

一日龍興橋明弘治間里人建

一日瀾溪橋舊為渡明嘉靖間知縣梁隨初建浮橋三

十六年丁巳邑人李奇祚倡建伐石為址上覆以屋

國朝順治五年戊子燬今募衆重建

一日水西橋 一日阜安橋地名三灘

國朝康熙五十一年壬辰里人共建乾隆二年丁巳里人

建寧縣志

卷之五

津梁

十一

重修

其在都上保者有四曰蕭坊橋明天順二年戊寅里人

蕭達生建

一日德星橋 一日新安橋 一日蕭庄橋

已上三橋皆明朝建

其在赤上保者有四曰水口橋里人揭明山子孫建

一日觀音橋揭福緣子孫建 一日橫溪橋

一日龍興橋在山石砌三墩架屋五楹里人共建

其在赤下保者有六曰軍嶺橋明成化十年甲午里人

張永順建

一曰玉龍橋在車頭村內里人共建

一曰洪恩橋明弘治十五年壬戌縣丞郎珍伐石剏建

一曰鯉湖橋里人陳觀保建

一曰利濟橋在均口耆賓謝立定康熙二十四年建

一曰永安橋在均口蓮花村

國朝乾隆六年辛酉耆民謝子安捐貲伐石鼎建

其在羅源坊者有一曰花棚橋里人黃本原伐石鼎

建

右邑南合新舊凡二十九橋

城西慶豐門外在富田保者有三曰查口橋明正統

建寧縣志

卷之五

津梁

十三

九年甲子邑人劉自善等建景泰年間邑人王文弼

等重建弘治十八年乙丑里人王士英重建嗣是旋

建旋廢

國朝康熙十六年丁巳邑人王國昂一力鼎建雍正四

年丙午昂男王嘉銓增修

一曰綏城橋

國朝康熙二十九年庚午邑人艾公榆建尋圯三十九

年庚辰公榆復建今圯

一曰沙坪橋明嘉靖五年丙戌建以石為基架屋其上

九年庚寅圯於水僧鄧銘重建

國朝順治間又圯康熙二十一年壬戌王國昂廖公明募衆復建

其在銀坑保者有二曰錦江橋明天順元年丁丑里人饒叔安饒彥真建

一曰十石橋明成化間里人募建嘉靖二十三年知縣何孟倫伐石鼎建

國朝應文這捐貲倡修後圯鄢芳一力鼎建

其在竹藪曰三老橋王文光兄弟三人建

其在新城保者有二曰上陳橋里人陳經生建

一曰龍湖橋明成化中里人黃岳生建

建寧縣志

卷之五

津梁

十四

其在隆安保者曰七公橋明天順六年壬午王簿丁暹建

國朝康熙十六年丁巳重建

其在里心保者有四曰西園橋

一曰東門橋

在西安巡檢司前

明洪武十二年己未巡檢咬柱

建 一曰寨前橋 一曰鎮西橋

其在排前保者有三曰乘駟橋邑致仕知縣陳綬建

一曰白眉橋明成化九年己未里人宋良貴建

一曰碧灣橋

其在上黎保者曰水南橋明景泰元年庚午里人黃道

堅建

其在癸羊保者有二曰翁坊橋

一曰華鄂橋通閩江要路里人夏允中兄弟鼎建

其在淨安保者曰獨木橋

其在大南保者有四曰拱仙橋里人何其海建東有

仙石南有仙峰故名

一曰竄龍橋通廣昌縣郡庠陳永章建

一曰落馬礮橋 一曰下磐橋

右邑西合新舊凡二十二橋

城北拱辰門外曰萬達橋又名萬歲宋嘉定中建後圯明

建寧縣志 卷之五

津梁 十五

天順八年甲申里人謝永深伐石剏建按郡志謝作丁

其在青雲巔畔為邑城下關者曰聯雲橋俗名聯登明萬

歷四十一年癸丑致仕縣丞曾橋募建造石址六未

竣工天啓四年甲子曾橋獨力繕完

國朝順治四年丁亥圯于水康熙七年戊申知縣袁植倡

修之僅成二石墩九年庚戌署縣事郡判柳文標有序

知縣陳于逵有序次第拮据弗成二十二年知縣檀

光燝捐俸倡眾募建九歷寒暑工始告竣雍正年

間知縣皇甫文聘因橋梁經久近頽謀修未果乾

隆六年辛酉知縣劉毓珍倡修命庠生李濤董事十

五年^{庚午}大水衝去石墩一橋梁二餘墩亦損李濤

兄弟復捐金倡首同貢生張維等命僧達機募建

十六年^{辛未}工已垂成是歲八月不戒于火前功幾

廢李濤仍出貲鳩工補葺至十七年^{壬申}落成

其在青雲巔北者曰望春橋又名般若明宣德四年^{巳酉}邑

人陳仲榮建嘉靖九年^{庚寅}圯二十四年^{乙巳}知縣何

孟倫重建邑人謝汝聘詩撩人春色野橋西新水瀾漫草欲齊兩岸風光看不盡萬花深

處有鶯啼

國朝乾隆廿一年^{丙子}屋廢廿四年^{巳卯}邑人王宣倡者重建

其在黃溪口者曰拱辰橋宋淳祐中建名莊武明洪

建寧縣志 卷之五 津梁 十六

武十四年^{辛酉}知縣崔士昭建更今名後圯天順元

年^{丁丑}主簿丁暹建邑人余志有記弘治九年^{巳丁}里人余克

友重建嘉靖十九年^{庚子}圯二十四年^{乙巳}知縣何孟

倫建

其橋之東有渡曰竹洲渡

又其下曰易家渡在灘頭園

其在黃溪保者有五曰池下橋按府志舊名黃溪元至正二

十三年^{癸卯}建明天順六年^{壬午}里人劉亦三等募衆

建

一曰聯芳橋 一曰楊林橋

一曰萬松橋里人朱肇勗募建 一曰巧洋橋康熙四十七年 里人募衆建

其在藍田保者有五曰種玉橋明弘治十五年壬戌邑人余才鄒孟春募建石墩木梁而庇以屋

一曰溪峯橋明宣德八年癸丑徐汝受募建後圯隆慶元年丁卯知縣皮志文命僧鄧銘建石趾而庇以屋

邑人李宴墾石開路百餘丈後圯

國朝康熙二十七年 里人董國普建乾隆八年圯

一曰渠村橋 一曰福寧橋在三溪村里人衆建

一曰畫橋在磐嶺山麓明嘉靖二十九年 在城徐仲賢

建寧縣志

卷之五

津梁

十七

仝姪永顥建有碑存山傍

其在安寅保者有四曰里仁橋舊志另載有高墩橋今考之即此橋在

永居寺前明弘治五年庚戌里人吳彥端建

一曰漢溪橋明弘治十三年庚申里人張汝堅建

一曰石溪橋 一曰南橋

其在周坪保者有三曰火燒橋明成化二十年甲辰里

人楊杰建

一曰土磔橋明成化元年乙酉里人楊杰募建

一曰福渠橋邑人謝表建

其在安吉保甯家源曰四松橋橋畔有四松蒼古鬱蔥故名

其在藍田保者有三曰鹿岡橋 一曰塘下橋

一曰項橋在百丈嶺下為閩江要津其溪澗甚往來病涉

者眾邑庠徐必掄妻余氏命男貢生時軾架木為梁一力鼎建又置西關外甯家坑田租二十石永為修理之費

右邑北合新舊凡二十五橋

一朝天隘高峯挿天峻嶺盤曲而上為江閩分界名百丈嶺上有亭為往來行客憩息之所僧人募化四方善士金為夏燒茶冬燒薑湯之費歲久亭傾費乏邑太學范啟賢鼎力修亭捐燒茶湯以濟行

建寧縣志 卷之五 津梁 十八

人復撥租四十石為垂久計歲取租僱僧人經營

其事今將所捐田畝土墩開載于後

一處坐落將屯保黃家坊土名圳頭白沙嶺載租二十三桶半

一處坐落將屯保廖家源土名下排門首墩上載租三十二桶以上二處桶面俱貳斗六升

一處坐落開山黃舟保土名暗衝磔下載租四十四桶

一處坐落開山黃舟保暗衝磔下載租二十六桶零壹斗

一處坐落黃溪保社菌下土名六十坑載租二十桶

一處坐落黃溪保社菌下土名六十中分載租壹十五桶以上四處桶面俱貳斗四升

六處共計租壹百陸拾壹桶正載民糧壹拾五畝六分五厘